

per medium pectus adactus, cuius etiam in Soluto Prometheo mentio facta est, simulacrum poscit. Denique ipsum in prima scena silentium Promethei, etsi convenientissimum eius ingenio est, tamen causam habet etiam necessitatem. Nam ubi exierunt Vulcanus et Robur, tum demum qui alterum eorum egerat histrio post simulacrum Promethei latens verba recitabat Promethei, atque ita per totam fabulam, altero actore deinceps Oceani, Ius, Mercurii partes agente. Ceterum sapienter Aeschylus non Vulcanum, sed Robur exordiri fabulam voluit. Nam prius saevitia Iovis ostendenda erat quam miseratio eius in quem saeviretur. Convenitque id egregie moribus personarum, quum Robur lubens et gaudens alacrem se praebet ad opus, tristis autem Vulcanus est invitique perficit mandata. Eo aptior ad excitandam in animis spectatorum misericordiam est quae deinde sequitur Vulcani plena doloris amicitiaeque oratio.

Index personarum in M. hic est, *κράτος καὶ βία: ἡφαιστος: χορὸς ὠκεανίδων: προμηθεύς: ὠκεανός: γῆ: Ἡρακλῆς: ἔριμης: ἰὼ ἰνάχου*. Eodem modo Lips. Aug. nisi quod *ἡρακλῆς* omittunt et *ἰὼ ἡ ἰνάχου* habent. *Κράτος καὶ βία. ἡφαιστος. χορὸς ὠκεανίδων νυμφῶν. προμηθεύς. ὠκεανός. ἔριμης. ἡρακλῆς. ἰὼ ἰνάχου* Rob. *Κράτος καὶ βία. ἡφαιστος. χορὸς ὠκεανίδων. προμηθεύς. ὠκεανός. ἔριμης. ἰὼ* G. *τὸ κράτος καὶ ἡ βία προλογίζει* addunt Lips. Aug. Dubitatum est, an *Γῆ* et *Ἡρακλῆς* propterea adscripti fuerint, quia hae personae in Soluto Prometheo prodierint: in quo de Hercule res certa est, de Terra valde dubia. Dictum est de his in dissertatione de Prometheo soluto Opusc. IV. p. 256.

1—6. affert scholiastes Aristophanis ad Ran. 826. et inde Suidas in v. *ἐριβρεμέτας*.

Primam fabulae scenam imitatus est Lucianus initio dialogi cui Prometheo nomen fecit, eiusque dialogi in fine alios huius fabulae locos respexit.

2. Stephanus Byz. in v. *Σκύθαι* affert *Σκύθην ἐς οἶμιον*, quorum verborum Eustathius quoque mentionem facit ad Homerum p. 775, 1. 1339, 8. et ad Dionysii v. 69.

Libri omnes cum editionibus et codice E. Suidae in v. *ἐριβρεμέτας* praebent *ἄβροτον εἰς ἐρημίαν*, nisi quod M. Rob. *ἄβροτον τ' εἰς ἐρημίαν* habent. Sed ceteri codices Suidae *ἄβροτον εἰς ἐρημίαν*, quod Eduardus Maltby in Thesauro Morelliano adnotavit Porsonum ex Suida, Hesychio, Eustathio, scholiasta Homeri Villoisoniano et Favorino reddendum censuisse. Vide etiam Porsoniana Kiddii p. 208. Ex his testibus solus Suidas ex hoc loco Aeschyli sumpta esse haec verba ostendit. Hesychius *ἄβροτον, ἀπάνθρωπον*. Scholiastes Homeri ad Il. XIV. 78. et in Crameri Anecd. Paris. IV. p. 19, 11. *καὶ Αἰσχύλος, ἄβροτον εἰς ἐρημίαν, δῆλον ἐν ᾗ φῶς οὐ γίνεται*. Eustathius p. 968, 44. *ἔστι δὲ ἄβρότη κατὰ μὲν τὸν κοινὸν ἐν ᾗ βροτὸς οὐ πρόεισιν· ὁθεν καὶ ἄβροτος φασὶν ἐρημία παρ' Αἰσχύλω*. Non ergo ipse hoc legit in